

上海縣志卷之十二

祥異

災祥並稱乃自春秋以來天文五行志諸史所書皆志其異以示儆戒求所謂祥者不一見也吾邑礲瘠田仰高則災旱污萊則災水水旱之來邑兩受之故志所列者詳焉若星日之變義不繫之乎一邑者則削而不書

元

大德五年辛丑秋七月朔大風屋瓦樓榭掣入空中繼

上海縣志

卷之十二

祥異

而海溢壞民廬舍

九年丙午旱蝗明年饑

延祐七年庚申大旱

元統二年甲戌夏五月雨雹大者如鷄子小者如蓮葯

其雹有一眼若瑠琢然

至元二年丁丑歲饑夏六月民訛言朝廷欲括童男女

一時嫁娶殆徧平江蘇達卿時為上海縣吏有女年十二贅里人浦仲明子為婿明

年生子亦罕事也

至正十七年丁酉民家鷄伏七雛一作大雞狀鼓翼長

鳴

二十二年寅壬 秋八月民家闍牡狗生小狗八其一

爪吻紅如血牡物生兒陽化陰也犬屬金吻紅火也主兵主火

二十四年辰甲 夏六月乙卯漏下四鼓江海泖湖涌

起三尺餘平江嘉興路亦然五行志水自盈主兵興

二十六年午丙 秋八月有牧羊兒見流光中隕一魚

是日縣市人指流星自南投北即此時也志云天隕魚人

民失所之象

明

上海縣志

卷之十二

二 祥異

洪武三年庚戌 秋七月十六日大風從海上來塵沙蔽

空中有物如烏鳶亂飛又類屋瓦至沙岡漸下集

于里人林彥英家風息視之垣屋四周皆楮幣也

今其家猶温裕人呼鈔飛林出林氏家傳

按山居新話日後至元丁丑青村鹽場有蘆一枝飛空中後有鈔隨之而飛集于里人林清之佛堂

閣上與此小異

永樂初連歲大水三年夏六月朔雨至于十日高原

水數尺窪下丈餘

正統九年甲子 秋七月十七日大風拔木發屋雨晝夜

不息湖海漲湧瀕海居民有全村決沒者

見周文襄奏

冬十二月大雪七晝夜積高一丈二尺明年有倭

寇之亂

見府志

景泰五年

甲戌

春正月大雨雪四旬不止夏大水大疫

成化八年

壬辰

秋七月十七日大風雨海溢漂沒死者

萬餘人鹹潮害稼

十七年

辛丑

春夏旱秋七月大風雨九月朔雨至于

冬十月禾不登十一月冬至大雷電雨雪明年饑

弘治十一年

戊戌

江海泖湖水溢

上海縣志

卷之十二

三

祥異

十四年

辛酉

冬十月十四日地震

十六年

癸亥

夏四月大雨雹損麥沙岡尤甚牛馬有

擊死者

十八年

乙丑

秋九月有風如火從東南來再至益厲

已而地大震聲如萬雷後數日有星東北流墜於

海光如火聲如雷

或云天狗也

明年崇明有變邑人恐

正德四年

己巳

秋七月六日雨至十一日晝夜不止瀕

海高原人民廬舍多漂沒

父老言景泰甲戌與永樂乙酉同

先是

邑南諸山有虎食人北延橫泖之上水至而去

是冬極寒竹栢多槁死橙橘絕種數年間市無鬻者黃浦潮素洶湧亦冰厚二三尺經月不解有娶婦者過冰上砉然有聲一崩數畝媢婦與媒妁親戚輿從百餘人俱陷

五年庚午麥生數岐者甚多五月雨如己巳六月大

風決田圍低鄉復饑流離疾疫死者幾半

六年辛未夏六月龍見黃浦東南所過焦禾壞屋有

項氏者壓死男女七人一人被攝起入空而墮

七年壬申夏巨寇劉七人大江泊狼山邑民間風震

懾男女長幼皆稱大王無敢斥言寇賊者有司集民戒嚴夜有無賴子桂某者乘醉呼大王至矣甲士執兵伏者皆散走官吏閉門不敢出呼號之聲徹於街市夜闌而定 秋七月二十五日大風海水暴漲是日賊船碎於江中潰入海官軍數百艘追及於邑東九團大洋圍之皆莫敢前獨一舟與戰弗勝殲焉賊亦逸去 十一月冬至人望見竟夕海上有火連延如列萬炬西抵北蔡且聞金聲望者以爲寇至空巷出走

十三年戊寅 秋八月大水有九龍戰於海

十四年己卯 秋八月白露大風雨早晚二禾俱損低

鄉冬盡猶收穫未竟民大飢居民王僖捐千金賑之民多全活

嘉靖元年壬午 六月東鄉黃氏家僕萬全妻生一子頭

頂左右各有肉角目在額上而圓甚雙睛突露如夜叉聲亦不類兒啼遂棄諸河或謂旱魃 七月

二十五日大風雨壞官民居崇壽寺銀杏數圍拔而仆地至冬一夕自立

上海縣志

卷之十二

五祥異

二年癸未 六月朔日大雨雷震縣南之松江道院火

燎其楣煙焰蓬勃經日始熄

三年甲申 二月十五夜地震 秋七月飛蝗蔽天颶

風大作驅蝗入海遺種化為蟹食稻

十八年己亥 秋閏七月初三日海嘯風從東北起漂

沒人民數萬

二十三年甲辰 二十四年乙巳 連歲大旱赤地米價騰

貴每石一兩六錢

三十年壬子 地動白毛生長七八寸民間床壁下亦有先是民謠曰地上毛

生妻兒老
少一同行

高橋鎮民家鷄作人言

云燒香望和尚
一事兩勾當

明年倭奴燒香羊山遂登岸焚掠人民逃散

三十三年

甲寅

三十四年

乙卯

大疫民死殆半

六門出
轎車日

以百數棺肆不能給多以葦席裹
尸至有一家相枕籍無收斂者

三十五年

丙辰

夏黑眚見民間譁言有物若狐狸夜

人人家家擊銅器驅之不寧者兩月餘有被害者

暎以水見紙人墮地相傳妖人所為

四十年

辛酉

秋大水歲饑知縣郃光先命民王洲糴

米煮粥哺之民賴以生

上海縣志

卷之十二

六 祥異

四十五年

丙寅

秋風雨大作城市閭舍多傾壞牌坊

石柱俱搖動

隆慶元年

丁卯

城中民家猪生一子其左蹄為人手先

一月河岸有枯樹竅中出煙如縷 冬民訛言遣

中使詔選宮女民間男女無論長幼婚娶無虛日

至有配非其偶者

二年

戊辰

冬十月夜雷電桃李花開麥秀梅杏實

三年

己巳

六月朔癸酉日海溢大風從東南起人畜

漂沒無數

萬曆二年_{丑丁}夏六月陰雨連旬寒氣凜冽如冬田成

巨浸花禾漬腐

十年_{午壬}七月十三日海溢潮過捍海塘丈餘漂沒

人畜無數後大風雨徹晝夜壞禾稻木棉是歲饑

十月十三日颶風從西北來江濤陡作舟皆簸溺

邑丞曹詩適詣府舟覆死

十五年_{亥丁}春正月雨水冰謂之木介晴霽之朝枝葉四面皆冰如玉樹

夏秋異雷颶風麥禾花豆俱淹折晚稻僅可得糜

數升

上海縣志

卷之十二

七 祥異

十六年_{子戊}春大旱 五月大水 秋七月壬申大

風拔木仆屋田禾皆盡民大饑時斗米銀二錢斗麥銀一錢人啗糟

糠屑荳餅作粥繼以草根木葉飢民死相枕籍築
黠者煽衆環富室告貸尋攔入室中盡擄其所有
報復殺傷甚衆監司憂禍且不測急上其事詔用
重典殲其渠魁乃定人心風俗此爲一大變云

十七年_{丑己}正月雨水冰如箸大饑夏五月大旱至

於七月不雨六月癸巳月中飛雪紛若吹絮擊之

皆六出

十九年_{卯辛}秋七月辛巳海溢自一團至九團幾及百里飄沒廬

舍數千家男女萬餘六畜無筭大雨徹晝夜平地

水二尺餘城門晝閉壬午訛言倭寇至民爭入縣

凌藉死者數十人是日居民求尸海濱潮至群走遂傳為寇警冬十月

雷電時作晦夕大震

二十二年乙未春三月有鹿高丈餘自狼山渡海循

海南行至上海在黃浦中絕流而過縣官以十餘舟載矢石擊殺之重五百餘斤

二十六年戊戌春三月二十九保民家婦有娠忽嘔

出一兒寸許形體畧具驚擲之即失所在

二十七年己亥甲戌薄暮聞空中有鬼聲時以紙炮震之民間

謠曰天上鬼車叫城中放紙炮不知因甚來朝廷要納鈔次年果有抽稅之舉太監孫隆率奸徒建

上海縣志

卷之十二

八 祥異

稅司于雲間第一橋凡支河悉置鎖柵令械船四出巡邏商賈被害民不堪命有民葛賢奮臂擒隆于橋下擊之幾斃曰我以一身為萬民除害也是歲新場民嚴四家生一

豕人身白體鼻方而長前足皆人手

二十八庚子年倉側民家產水犢兩手六足前四後

二

三十二年甲辰有二龍鬪于黃浦在孫家灣其傷大木盡拔毀民廬數

十 間

三十六戊申年六月白龍見于黃浦龍華港目光如

電一神人立其首

天啓三年癸亥春三月地大震丙午復震海上地生白

毛冬十二月地大震聲如風雨自西北至東南屋

宇動搖久之

四年甲子春二月甲辰烈風雨沙日白無光凡三日

夏五月霪雨徹晝夜壞禾苗歲饑秋七月辛未地

震若雷聲民居有傾者

崇禎四年辛未上海沙岡有虎出蘆中自黃浦西入浙界至乍浦獲之

五年壬申大荒米穀騰貴民饑

九年丙子十二月極寒黃浦冰

上海縣志

卷之十二

九 祥異

十三年庚辰大饑是年春夏不雨村農栽成禾苗翻澮皆盈復將花荳又翻禾苗

此後至冬無雨歲遂大饑

十四年辛巳夏大旱蝗米粟湧貴餓莩載道八月戊

午海潮日三至是年春大饑斗米至三四錢民食草木根皮俱盡拋棄子死者相沈

有薛得倡首燒劫白晝搶奪于市知縣章光岳捕至立杖殺之示衆賣婆氏抱人子女至家殺之以供飽啖隣人聞所烹肉甚香啓鍋視之手足宛然鳴官獲之立斃

十五年壬午春蝗蝻遇雨化為鰍蟹冬十月丙午冬

至夜半疾雷迅風澍雨折木飛瓦

十六年癸未冬至五更迅雷震電大雨初十日黃昏

時有銀一片自西飛來銀邊相觸有玎璫聲漸漸

往南不知所止

以下採紀異

國朝順治元年

甲申

三月東南蚩尤旗見

六月初十

日廿三保祝聖堯家群奴持刀弑主父子立時焚

燼遂延至各鄉大戶無不燒搶 十五日廿一保

顧六倡首率各家奴輩入城先至紳家索鬻身文

契六手持雨蓋一舉其家立成齏粉主被毆辱急

書退券沿鄉焚劫大家為之一空邑紳張肇林飛

書達兵道程珣遣員遊擊領兵擒勦始息

上海縣志

卷之十二

十

祥異

按明季縉紳多收投靠而世隸之邑幾無王民矣然主勢一衰跋扈而去甚有反占主田產坑主貲財轉獻新貴有勢因而投牒興訟者有司亦惟力是視而已物極必反以是顧六一呼從者蝟起回憶情狀毛髮悚然近奉功令鄉紳自好積弊已清然而子孫世隸未之改也昔之君子有贖民鬻身者可不體此意而與之更始乎

三年

丙戌

二月十九日白晝鬼號徧城市皆然

十

二月初小南門外姜姓養鷄翼下有爪各長寸許

有高飛而去者

五年

戊子

四月初三日大風雨水雹地上徧生白毛

雹中有一黑圈如人眼珠大者擊傷牛馬斃麥

七月二十一日黃浦一日三潮

六年巳丑秋七月二十日將晚日中黑氣一道直貫

天頂須與海中一道黑氣上升與日中黑氣相接

如橋至暮而沒

九年壬辰四月五月亢旱人行魚道溝底鑿井得水

鹹渾而臭是歲大饑合邑士民告荒請賑知縣姚

修蔚據董宏度呈上申得蒙

題請蠲糧

呈詞載荒政條

十一月十四日大雷凡震三次

十二年乙未四月大東門外民婦懷妊十二月生一

上海縣志

卷之十二

十一

祥異

物眼在耳邊徧身生毛宛是豬形

十四年丁酉七月初三日雷震東門城堞知縣陸宗

贄卜之日龍騰也邑之東當出元魁因命石工置

龍門二字志之後巳亥科朱錦果中會試第一名

十五年戊戌八月二十三日地震

十八年辛丑七月二十六日一日三潮

康熙三年甲辰七月內疾風浦水大溢六門竟同水

田禾漂沒

七年戊申夏六月十七日地震

九年庚戌夏六月十一日驟雨狂風拔木倒屋三晝

夜方止是歲凶荒

十年辛亥四月至七月亢旱港底生塵

十一年壬子閏七月地震 七月二十日龍陣燒

毀田禾掀起房屋于空中行人隨風掀去冰雹有

重二三斤者壓死牛馬

按府志祥異自順治元年後不載茲據耆儒劉浚之日記而錄其中或有互異俟諸君子詳加攷焉

十六年丁巳夏疫癘大作鄉邑靡寧知縣任辰旦詣

廟齋禱啓建九州大醮四十九日闔邑士民相率

上海縣志

卷之十二

十二 祥異

齋戒境內賴以得安

十七年戊午四月初五日午時地震

十八年己未夏旱 秋八月初十日螟蝗入境食蘆

勢如火燃禾稻無患二日而去米價湧貴 每石二兩四錢

十九年庚申八月初三日驟雨連宵浦潮相接城內

水高五尺鄉民船行田中

遺事

志遺事者志其善事之遺也其人爲獨行之所不及收而其事又不可使之泯沒而無傳者乃華之若事近於怪而人之入於窮奇者雖前志所存槩從姑舍蒐瑣重複如容齋隨筆鶴林玉露諸書者亦無取焉

趙如珪世籍烏泥涇推誠樂善創建保和道院又於涇浦入邑孔道咸鑿井架菴以憇行旅其子弘毅又闢齋舍延名儒以教諸子生徒負笈至者皆館

上海縣志

卷之十二

十三

遺事

穀之未幾庭芝第進士其來學者越人郭進存色目人札刺里了亦相繼登第元代南人登進士自庭芝始

費橐器局寬整樂善好施稅司重估苛取橐請依額取辦用三十稅一之法不足則補以私錢其斛銘云出以是入以是子子孫孫永如是後贈江夏郡公謚榮敏

明太祖嘗登鍾山詞臣扈從擁翠亭給筆札賦詩應制者八人秦裕伯與焉世宗幸興都詔修承天府

志命侍臣各擬承天賦應制者十三人顧從禮與焉

張賜字安仁嘗渡海舟覆憑一篙浮沉者五晝夜遇故人某以網畀得歸不死後有孫曰衡中永樂乙未進士曰鵬中宣德壬子舉人劉定之紀其事

胡秉忠洪武初舉人材知行唐縣務以禮化俗製孝順節義讀書三圖入覲時以獻溫旨嘉之頒行天下

李敬字成學郡人永樂丁酉舉人宣德間上疏乞就

上海縣志

卷之十二

十四

遺事

祿養授上海訓導迎親居入署菽水承歡者十餘載遷德化改崇德教諭皆以師範稱

侯端有膂力南滙有虎傷人端格殺于烽墩下至今人呼其地爲侯公殺虎墩

李文忠居貧力穡一介不妄取嘗與其子入城得遺金三兩于道遂艤舟以須一人泣至曰吾父通賦繫於官吾鬻子以輸今亾之無生路矣文忠舉遺之舟還過唐行鎮舟膠入水挽之水中獲銀一錠衡之倍於前

秦敕有桃一株質幹並瘁棄籬落間嘉靖三十八年
春桃忽再榮而花其子嘉揖會闡捷書至沈太僕
作瑞桃記

張紘厭城市去邑北數里居焉多種木棉親自鋤收
補任建昌守吏人來迎遇紘田間問守居何所因
指示之潛從舍後冠帶出見吏人觀之卽田中叟
也相顧驚異

浦澤與尚書張電同學干陸文裕公深各擅其妙或
官司強之書則堅辭不應平生嗜酒好睡終身不

上海縣志

卷之十二

十五 遺事

娶貴人爭招致之而未嘗干謁得金錢卽散去人
呼爲浦小癡

曹用中業醫有婣黨以千金寄之俄被盜婣倉皇奔
詢用中曰君物幸無恙悉歸之

張二善泅水能伏水中竟日夜不起倭舟泊海洋令
張入海鑿沉其舟立奇功督撫欲疏授之官不願
與之金亦不願曰官繫我金禍我不如一醉也強
賜之果以金遇害

董氏始祖遺安公墓在沙竹岡間相傳厲布衣所定

墓前柿樹一株每結一實則獲雉一人自天順已
卯御史董綸始

劉鈍兄銑永樂間以會計事坐法繫京師獄鈍婚二
日卽趣裝北行護兄後兄思歸鈍陰乞守者代兄
繫比兄歸給父母謂弟旅病卒父母悲哀不置鈍
久繫而里人官長安者爲司寇白其狀釋之比歸
家人驚以爲鬼鈍具告其故與父母相對泣兄愧
逸去後鈍生二子名璵者中天順已卯舉人仕至
建寧太守名玉者生子兗汀州通判兗子兆元舉

上海縣志

卷之十二

十六 遺事

進士懷慶推官歸有光爲之銘

顧草堂英于弘治已酉治生壙于肇嘉浜上雷雨大
作磚埴之屬忽移于南數丈外其鋪甃巧異非人
工可及白筆倒書大字于華表石上雷部大將軍
石守信字畫遒勁有晉人筆意

楊東濱少負俊才拓落不遇與陸文裕公交善嘗賦
春與一絕云薔薇枸杞滿庭栽書閣垂簾半捲開
蛺蝶不嫌春色淡隔簾飛去又飛來太守雅聞之
後以殺人事牽連太守見其名笑曰此作春興詩

者襟懷如此肯干俗事耶釋不問

莆田鄭公洛書爲令特廣設社學每出屏騶從聞市中蒙童讀書聲必竚以聽有訛字卽令改正或試之對有穎敏稱意者卽命取紙筆賞之

秦嘉楫初授行人使周藩周王偉其風度厚贐之悉謝却乃衣以一狐裘曰天氣方寒幸使者爲遠道計公不得已陽諾至杞縣託同年以裘歸王曰某小臣何敢辱王服

姚昭字如晦世業儒而貧每讀父書輒嗚咽流涕事

上海縣志

卷之十二

十七 遺事

母至孝所得廩餼悉供其旨及卒門人私謚爲希廉先生孫成瓚邑庠以孝義聞

陸明揚字伯師爲諸生久困踐更以語譙邑令敖選選御之會明揚父柝與族人楠有隙楠因姻家曹忬奪奴妻事誣明揚同謀殺其夫明揚被拷竟誣服揚弟明允籲辨臺司楠懼謀遷明揚于青浦獄欲庖死之明允棄儒藝圃以事父母居三日則負糗脯走百里視其兄獄中者三年屠公隆夜行獄聞明揚讀書聲察其冤申狀直指覆讞之得釋後

舉鄉薦爲靖江教明允子起龍壬子舉人宰永寧
有惠政祀名宦孫鳴珂順治乙未進士

王潭世居川沙萬曆十一年海溢漂没人民無算潭
廩浮屍數百後川沙城垣坍塌城門欹其孫中翰乾
昌葺之增建石梁以護水關浚濠以防寇盜人謂
能繼祖德云

秦國士端恪自持從父御史鳳樓公無子謀之國士
不應食貧如故後鳳樓卒族人爭訟嗣子以田宅
券授國士復笑而却之蒼頭挈貲來歸者皆勿納

上海縣志

卷之十二

十八 遺事

後爲武進教諭遷知瀏陽民風爲之肅清

葉蕃春副憲有聲之父嘗宿邑邸主人出追逸僕獨
少婦在室日且暮矣公渡浦避之時甚風疾浪勿
顧也又有妾與嫡忤舢篋走母家失道夜匿公園
中覘得之密召其夫與偕歸日毋揚之恐人以垢
汝其質行不愧有古儒之風

張建寧元玘解組後宦橐蕭然好行善事凡故舊宗
鄰子弟貧不能學者多館穀於家訓迪甚至自言
幼孤舞象後尚未能學伯兄食餼有名奴輩俱懾

伏之視予蔑如也一夕夢遊庠諸黠奴拜賀惟謹始醒悟折節讀書受業於徐文定光啓家方伯所望遂得成名凡兩公著述多屬叅訂行世

潘恭定恩知蘄州年四十尚無子夢雙星從天墜下其光燁然隱隱有文一曰哲一曰端未幾生雙子卽以其文名之

顧公從禮舟過黃浦孫家灣遇二龍取水其船攝起空中見龍華塔反在下頃之舟墮乃三林塘西岼已去孫家灣二十餘里矣是日壞船者無數

上海縣志

卷之十二

十九 遺事

黃公希英爲令時海濱有物隨潮而入潮迅退不得出民搏以獻其頭類虎尾如鹿皮甚堅厚或云虎頭鯊也

朱御史豹起家奉化令正德己卯入覲與尉某同舟夜泊黃河口隣於賈船盜百人圍賈船急尉之子能挽十石弓試其技立死二盜羣盜怒舍賈船而奔朱公度不免躍入水順流浮二十餘里若有物掖之者遇莞莢舟絳垂下遂挽絳得稍止舟人覺救之公寒噤不能語舟人異公貌卽焚莞莢爲公

驅寒久之乃甦是時死于火者三十餘人尉僅存
燼餘一股而已

朱贈公察卿能文而豪於酒嘗於十月望夜餞客學
士橋酒酣裸身賦詩中寒疾不起病中作破帳記
記甚奇麗載集中易簣之日云白鶴下來乃吾去
時也果於空庭中鶴唳三聲而逝王弇州先生來
唁有蝶大如碗集懸像上唁畢乃去

朱進士家法爲諸生時與黃公體仁同讀書龍華寺
之北房午夜夢身死銘旌上大書工部都水司郎

上海縣志

卷之十二

二十 遺事

中朱某之樞役夫舁至潘方伯壽域上休焉覺而
語黃黃曰焉知君異日不方伯耶後家法由信陽
州守歷官工部郎以疾乞歸而方伯之子以所營
壽域不稱意欲棄之而別卜地已松栢成行矣家
法聞之笑曰是天留以遺我也乃售而葬焉定數
之奇如此

侯通政峒曾卜祔其父給諫公震暘于祖參政之墓
延地師李明田相視明田登壠環視曰昭穴辰水
衝城若窆是必代有忠孝然賈禍烈矣峒曾長揖

曰如公言幸甚天下豈有忠孝之門而畏禍者耶
竟祔葬焉

張錫眉字介茲庚午孝廉嘉定學新場鎮人闈前請
于乩仙仙示云是科必中後殉國難果於是科捷
南闈甲申闖賊之變令室人黃氏及妾與女俱赴
水死然後徧身自書姓名登嘉定南門城樓自縊
周規字象圓少好學有奇氣崇禎時疋馬走京師上
書言邊塞事不報拂衣歸里賦詩自娛家無儋石
喜酒好客風日晴美袖餽釘并攜髹器至水木清
上海縣志

卷之十二

二十一

遺事

華所呼知交泥飲飲罷時仰天悲吟以此終其身
所著有醉餘草藺質如其人高人莫秉清爲之序
規吳淞人

王昌明字良仲學憲圻之孫補博士弟子屢試不遇
嘉定有舊家子爲仇修宿怨欲實之死其人手離
婚券率艾妻夜造昌明所曰某爲仇人所陷無援
必死或三十金可倖生公五十無子我妻少且宜
男請侍箕帚昌明惻然如數畀之而置其妻於別
室令老嫗寢食與俱不一月其人事解召而還之

夫婦泣拜而去子世奇順治庚子副傍

沈沐周鎮庠生屢試不遇有同姓墓域一區以子姓
寥絕丘壠爲墟沐捐已資爲之修葺且代輸官租
又收養孫氏子三月之孤爲之撫育婚娶其好義
有足稱者

杜啓勲內行甚飭因家中落假錢貿布之大賈席罔
卿所市之席司庫者於本值外誤發羨銀數十金
勲不知也歸舟合要乃復返棹以餘金歸司庫者
又拾遺金於水市艤舟待亾金者歸之不告姓名

上海縣志

卷之十二

二十二

遺事

而去後勲家道日昌子孫皆有聲卒年八十一
洪範篇壽居五福之先蓋上壽若斯之難也太學生
杜士敏妻周氏五十四而寡事姑以孝撫子女以
仁今年癸亥登百歲矣而視微齒堅神明不衰崑
山徐翰林秉義贈詩云城東佳氣鬱芊眠中有期
頤寶帙懸年遜廣成還七百桃遺方朔定三千閒
梳黃髮論耆舊笑攬斑衣問耳玄從此北堂春更
永漸看甲子兩回圓
奚汝斗川沙堡人性至孝父患癰汝斗吮之號天求

代病愈復色養者十二年崇禎己巳歲大侵率先請賑出已粟若干石以助糜年近百歲人咸謂孝義之報云

張有榮與孟希賢兩人俱老以孝義相感康熙十年春共出已粟若干石助作粥糜全活無算北郊至淞閘商民往來泥淖爲患二子倡首募石砌路亦義士也

倪學武事親能以志養尤樂善好義黃浦高昌渡爲東西孔道武助田若干畝以贍榜人涉者賴之

上海縣志

卷之十二

二十三

遺事

張至大字伯弘同爨及百丁人以公藝稱之康熙八年歲饑捐租五百石以賑里人李二鬻女以償貸金至大立返其券山右賈人王晉旅死至大爲具棺殮使召其子弘謙至又計其費而津遣之康熙十二年病命置酒召親黨呼其子永吉取逋券悉焚之薰沐而逝弟至剛字君毅年十八代兄任北運役同役胡中以舟沉被繫傾囊貸之得釋崇禎十四年大荒賑穀六百餘石募夫濬洋涇海塘新港諸河計口給食所活萬計人尤誦其義云

趙瑞以監貢授福州古田縣尹有惠政孫文元有逸才一日從村舍還城門鑄矣坐井亭待旦袖有稅銀及詩稿一冊蹣跚衣袖間宵人揜取之文元覺而其人駭仆文元笑曰無畏若貧耳取吾金去詩稿畀我其曠達若此卒年九十四

沈大至字伯雍號于三邑庠生闡濂洛之旨而尤精于易講學五十餘年所著有四書貫易經原繫辭津綱鑑要及文集數十卷又博通天文地理醫藥諸書爲人端方正直人稱大儒晚年自號一三居士康熙四年舉鄉飲賓歿日門人私謚爲敬修先生

上海縣志

卷之十二

二十四

遺事

蔡國珍字叔祥崇禎十五年歲大禋尸骸枕席珍獨力塋埋康熙三年海潮大作田舍俱淹珍罄囊築圩至今賴焉婦翁王藹人無子爲娶妾續嗣繼爲撫孤成立田園什物悉歸其子閭里稱爲長者張國臣字夔山邑侯劉潛濬虬江時值歲歉民不能供役國臣代爲出資募工以疏湮淤復捐貲五十金助建奚家江橋其孫永銓游雍爲六館知各士

夏氏陸家行陶氏僕婦也夫姓曹以父有少子異室而居夏孝甚每以酒肉竊食其翁翁饑夏以雞卵四沸酒食之夫歸疑夏食所私詈之夏含冤憤伺夫出闔扉自縊隣媪排闥視之氣已絕馳告夫歸將入殮矣忽黑雲疾飛雷電繞戶百餘匝而夏復活此崇禎十三年六月十三日事今癸亥年七十而強飯如故

滕善國字元長嘉定庠生博聞強記邑侯吳道重之有江東富人沈晦輸金乞免徭役者再善國拂衣

上海縣志

卷之十二

二十五

遺事

去終不以私干其介如此嘉定門人稱爲露研先生

庠生蔣光濟之妾曹氏夫歿時曹年二十一與妻張氏誓死守無子立姪蔣思思方遊庠又卒未幾張氏又卒曹獨紡績撫孤孫蔣攷成立今已六十五矣撫孤難妾撫孤尤難撫兩世之孤尤難故志之張勃字伯涵孝友方介博洽經史乙酉秋土寇作亂勃父年九十餘臥不能起寇至欲殺之勃以身捍父宛轉白刃間賊感其孝獲免董象恒開府兩浙

延禮之所著績勃謀居多子天臣亦知名於時孫以恒

平遠令張天培本邑貢士前爲韓城丞康熙乙卯二月韓城守將李師膺殺縣令翟世琪據城以叛天培時解蜀餉歸聞變星馳抵韓韓人擁之不使入天培曰令死城失歸殉封疆我分也遂入賊環白刃脅之不爲屈賊以其得民也姑置之天培於是計給賊出城閉關死守乘間請救兵至乃解韓人至今德之

浦東六佛菴有銀杏一株大可數抱鶴棲其上徧攬鵲之成巢以爲巢方十里無完卵忽一日鵲方踞巢哺雛兩鵲凌空奮噪頃之萬鵲雲集爭喙鶴巢鶴與雛同墮而斃羣鵲猶搏其兩翼而吮其血惡不可縱怨不可斂如此夫

趙夢嘉字連城幼時績學由儒士候選崇禎十二年憫傷役困捐助瞻役義田百畝又助鄉學田二十畝巡按御史王志舉給帖額旌之年六十猶未得子後連舉二男庠生趙燮國學生趙炎